

張文襄公全集









海王邨古籍丛刊

張文襄公全集



张之洞著

第三册

中國書店



張文襄公全集卷一百一十五

公牘三十 批廣類

批鑛政局詳酌議開辦章程光緒十二年四月月初七日

所議章程均尚周妥仰即如詳辦理惟近年各省開辦鑛務皆未能延請真正鑛師遂致坐耗巨資毫無起色現在應飭商人延聘精於化學之鑛師尋求善地考驗分質庶免虧耗如果能詳細講求實力辦理本部堂自當逾格獎勵以資鼓舞倘有未盡事宜亦即由局詳加酌度隨時申請核奪一面出示曉諭招商承辦頒發章程以廣招徠而資遵守一俟開辦有效本部堂即當奏張文襄公全集卷一百一十五公牘三十

吞立案

批道員盛宣懷稟請開九龍商埠光緒十二年四月二十四日

所議九龍開埠免稅招商實為力保利權馴致富強之論具徵識議宏遠深堪嘉許惟事關勦辦利弊先宜熟籌仰候札飭東布按運三司督糧道會同迅速核議詳覆以憑具奏

批東安縣文博稟查覆西甯縣稟請撥兵辦匪各節光緒十二年五月二十五日

據稟西江一帶河道無非陳定邦窩聚匪盜陳定邦已獲黨與四散殊屬臆度之詞核察西江情形未必止陳

定邦一人窩盜臬司札飭原期該縣與德慶西甯州縣合力密查以清盜藪該縣不能悉心領會但以歷次獲盜多名尚無大夥盜匪橫行已有廣安水軍震懾無煩兵力殊不知陳定邦盜夥眾多該縣連界河而未必即能安定謂不煩重兵則可若謂匪黨四散聞里已安無庸再事搜捕則不可本部堂現委總兵侯勉忠署理羅定協副將兼辦東安西甯兩屬水陸緝捕副將黃榮華署理水師營參將仍統率廣安水軍與巡船聯絡協同辦理捕務該縣當乘此聲威迅速密查境內盜窩及水陸緩急情形會合搜拏以收一勞永逸之效勿仍拘牽地段扭於積習自貽後患

批惠州府夏獻銘稟酌擬匪鄉辦法光緒十二年六月二十日

據稟匪鄉辦法費乎核實所見甚是惟所稱有終身為不善而其罪不可指名以附於法者等語殊屬費解如積年兇暴素行不法有擄殺糾匪實據無論主糾聽糾皆可名之為土匪土匪即法所應辦斷無終身為不善而其罪不可指名之理法生於名故周秦諸子名家與法家意指類多貫通史漢亦稱刑名至不可指名則究坐何罪又並未為惡而名在丹書實係被人擇噬一語丹書係指已定讞而言但被人一呈一狀一票一揭均

不得謂丹書如被人誣告更不得謂名在丹書果係並未爲惡即當隨時審明隨審更正亦斷無並未爲惡而聽其名在丹書之理至不必論其所犯之有案不有案但論其爲匪不爲匪二語殊有語病因其有犯故名爲匪果身犯爲匪之事雖或因人畏凶悍不敢告發或已經到官狡脫倖免當此查辦匪鄉之際或被害之家控訴或紳耆鄉鄰呈首查審得實即當懲辦是昔雖無案而今有案矣若始終無人控告首傳審又無情節又何從斷之爲匪而誅之乎蓋被控之案審實則成案審虛即不成案爲匪之案審實則爲匪審虛即不爲匪此理甚

張文襄公全集 卷一百十五 公牘三十一

明該府既稱巨盜必誅誣告必辦宜言凡實係爲匪即舊例罪名稍輕必究實照章嚴辦若並未爲匪即被人控攀有名必審明立雪其誣方爲明白了當斯不致善惡不分枉縱失平矣昨據署廉州府李守議稟已分條核行即使各屬大同小異亦不妨酌辦理仰東臬司轉飭遵照

批運司詳查明緝私各廠鹽務公所及首領衙門入款酌提歸公 光緒十二年七月二十日

所議各節均屬妥協惟餉員津貼擬以每年每員支銀六十兩以一百員爲率一節不如即就此款改爲按月

考課酌量等第分別給領尤足以昭核實而厲人材仰即將此節妥議章程另詳核奪至向來窮員本有津貼係按三節酌給此後或仍其舊或併入此項考課款項內辦理並即議覆

批釐務局詳商人包承火柴釐金 光緒十二年七月二十四日  
據詳商人黃慶和包承火柴釐金並捐開章程閱之不勝駭異查該商認繳之數每月僅得銀七百兩乃於省佛山頭北海海口汲水門馬溜洲佛頭洲長洲九龍前山榕樹灣關開神泉甲子惠州淡水等十七處設立廠卡壟斷罔利已於商民有妨該商猶以爲未屢且申之

張文襄公全集 卷一百十五 公牘三十一

四  
日洋來或到別埠土造或遷別處淮南商等隨時添設廠所而又船隻巡役器械紛紜未盡事宜尙須隨時稟請舉辦試代該商思之每月廠費若干雜支若干必須抽收若干然後能繳此七百兩之餉其必騷擾苛索多方取盈可知以家人日用束縕乞火之微物而令通省水陸立專卡設巡船頻鈴記封鋪戶幾與監權銅官相等傳之海內鮮不駭笑者矣至奸商影射取巧藉洋人爲護符誠所不免以每月七百兩之故致令中外交涉增出無數葛藤地方官固將應接不遑該司道亦將日不暇給種種窒礙利少弊多誠使給諭開辦不及一月全

省驛該局豈能職此重咎乃謂逐一核正尙屬可行一何輕率乃爾况粵省籌餉雖急尤須刻刻以恤商安民爲本本部堂與該司道等言之諄切幾於舌敝唇焦從前舉辦牙捐歲認鉅金猶不准其攔河設卡成案具在該局胡竟忘之倘該局確見此項火柴認眞抽收於餉有濟則詳定釐則責令現設各廠帶抽未爲不可所得容或不止此數何必身任煩擾爲奸商創必不可開之利源乎此舉有乖政體無裨餉需應勿庸議仰卽酌議收數補入釐則飭令各廠一律帶抽仍將辦理情形具報

張文襄公全集 卷一百十五 公牘三十一

五

批兼署運同朱丙壽稟請帶抽閩釐並酌減成數各節 光緒十二年十一月二十四日

行鹽省分代抽鄰省釐金定數包解最爲善法有四川前督部堂丁貴州前署撫部院李歷次所陳川鹽邊引包完黔釐各奏案可據福建汀州府牙釐局誤招土棍包收鹽釐以致商怨運滯大礙潮橋正餉該兼署運同擬將汀杭永連等埠釐金改由埠中帶抽完繳並照福建西路邵武等縣鹽釐成案一體於已減二成外再減二成係爲廣銷引鹽起見且閩鹽就近運銷成本自省粵鹽自潮橋運至該四埠道遠費重閩鹽之釐既經再

減粵鹽之釐何獨照抽所請該四埠鹽釐由粵帶抽包解於閩有益無損且應照案減釐方爲公允應卽咨商閩省必須籌一妥善辦法摺開長汀埠連年支送地方文武衙門官規據請查照銷鹽票數按成計送一節官規名目非公牘所宜言姑念隔省陋習相沿不遽禁革且地方官協力緝私不無所費然使銷出鹽價至不足以供規項則虧缺課餉誰實致之該地方官亦不能坐視也所請卽以額銷一百二十票計算每銷十二票爲一成尙屬平允至汀州各埠擬由閩招商認辦一節查甯化歸化清流武平四埠閩近而水粵遠而陸以致閩販行鹽粵省賠餉實非平允之道惟閩省是否肯認應候咨商仰鹽運司卽將帶抽閩釐酌減釐數按成給規劃埠歸閩各節及一切未盡事宜查案迅速妥議詳覆以憑分別咨商具奏

張文襄公全集 卷一百十五 公牘三十一

六

批瓊州府謙貴稟華商請辦瓊洋輪船 光緒十三年三月初五日

此事前准粵海關監督咨行駁飭在案第商人陳大盛稟請造辦小火輪船專走瓊洋十三屬地方及過海安雷州等處專以渡人爲事等語本部堂察核所稟情形此舉於商民未嘗無益緣瓊洋十三屬濱臨大海風濤

甚惡非設立輪船渡難免冒險之虞至條約所載非通商口岸不准輪船來往一條自係專指洋商而言今該商係華商非洋人與外國條約無干且長江沿海商局輪船通行已非一處此舉尚應再為從長計議惟雷瓊一帶洋面二千餘里該商雖以渡人為名必兼搭客帶貨若令稅關釐卡無從稽查抽收不無窒礙查該商本係民人所置輪船仍係民船生業其應完常稅釐金仍應向常關釐廠完納方為完善無弊果能釐定章程重其罰款於粵海關稅及各廠釐金不致漏越當可再為咨商辦理至該商所請專走瓊洋十三屬及過海安

張文襄公全集

卷一百十五

七

公牘三

雷州等處究竟擬設輪船若干艘如何分段往來行期有何定限應即迅飭該商妥擬章程詳列領照報貨完納稅釐以及罰懲漏越之法稟復到日由地方官核明雷瓊兩屬共有稅關釐卡若干處酌定稽查罰懲各辦法稟請核奪勿庸由稅務司經理以示華輪洋輪區別大約往來有定處開行有定期稽查較易惟有客無客均須依期開行於船戶不甚合算若以三數艘隨意往來十三屬及雷瓊各處則稽查難偏更恐洋商輪船膠混影射流弊必多或令該商擇定貿易繁盛之區定期來往先行試辦俟有成效再行逐漸推廣均須由該府

確切查明稟核仰即遵照飭議稟覆以憑咨商核辦

批西藩司等會詳據委員稟查覆鬱林釐卡弊端

光緒十三年  
六月初三日

釐廠弊端本屬繁多而近來巧詐尤甚不但各卡附近墟船路擔託名廠用抽收入己且有名為讓釐實則抽費以及不填釐票並將每日自收數目亦不存留實據以期滅迹者術雖不同其為以多報少則一也前經委員密查鬱林博白兩卡弊端較甚飭經該總局委派周令克堃前往確查該令宜如何破除情面切實指陳冀除積弊茲閱稟覆各條俱屬空言敷衍即如原單所陳

張文襄公全集

卷一百十五

八

公牘三

鬱林總卡博白分卡兩處每年各收釐錢四萬餘千串而報解僅有二萬餘千串是其所收數目與所報數目不符遠甚故須派員往查茲該令但稱總局原存該正分各卡收數冊報有案調查自當瞭然等語如果冊報之數可信為實又何用該令確查為耶該令又稱合以歷年比較大致不差等語查比較之法原欲令各卡爭自振奮為之記功給獎並非示以限制不計盈餘無如各卡員恃有比較轉若以此為限約計不致短絀餘即概入私囊此乃各處通弊正須力加整頓而該令乃謂比較無差便欲為無弊之據已屬含混無理況該令既

已查出鬱林總卡光緒三五等年確收各卡釐錢四萬餘串四六七等年亦收三萬串博白分卡光緒三四五等年收錢三萬串有奇六年收錢二萬二千串有奇何以近年鬱林正卡僅收二萬六七千串博白分卡僅收一萬七八千串該令所謂比較無差者豈將指最細之年以爲定限耶尤爲謬極查鬱林地方偏僻民間常年來往貨物略有定數斷不致大相出入而釐金日見其少謂非弊竇而何豈得以近來米穀不出洋單又進遂爲藉口之資鬱林多係旱道米穀出境最少本部堂豈不知之至於洋單進口惟廣東爲最多何以東省釐金

張文襄公全集

卷一百十五 公牘三十

九

經本部堂疊加整頓近來日有增益耶至於各卡收釐無票者據稱已有數處難保不相率效尤甚且將大宗貨物亦復漸不給票此等弊竇殊駭聽聞乃反謂弊端已少尤不可解在該令罔識大體惟知見好同寅不敢盡言招怨僅於各條中毛舉細故以圖搪塞固屬可恨而該司道等難係暫時署理亦宜振刷精神互相講求共濟時艱何得竟聽該令空言敷衍了事殊非本部堂責成考察之意仰即將鬱林各卡比較之數切實加增查明自光緒元年起至上年止所收各年釐金數目以最旺次旺之年合併酌中計算定爲比較毋令仍蹈故

轍稍有侵虧其餘一切弊端一概嚴行禁革自經此次加增比較倘該卡員等再有私抽入己情事本部堂一經查出定卽立予撤參決不曲爲寬貸該令周克羣奉委查事不實含混稟覆應記大過一次停委一年卽移會西藩司注册併將批行各節分飭遵照將加增比較數目具報查核此外南甯百色各卡弊端亦卽確查分別辦理均毋違延

批東藩司會詳議給各州縣津貼考費銀兩

光緒十三年九月十六日

歲科兩試經費爲數浩繁州縣要差賄累自應體恤前

張文襄公全集

卷一百十五 公牘三十

十

因餉需緊迫局款各有待用專款是以停給津貼令由各該州縣另行籌畫現經飭令善後局查出弛禁商人

有浮收二一水等項議令加繳餉項此係新增之款尙可酌量提充公用以後此項加餉雖不能照初次之數認捐亦斷不能全行減免該司道等議提銀二萬兩津貼本年承考各縣此外亦應一律議及通籌勻給方免偏枯應卽查照光緒九年司局詳請津貼考費原案於弛禁加餉項下三年內共提銀四萬八千兩以充羅定嘉應歸善茂名高要海陽合浦海康瓊山九州縣津貼歲科兩試經費之用仰東布政司會同善後交代各局

督飭廣州府詳查各州縣辦考應用細數並外屬每屆解到公捐考費實數大略依據舊案勻給之數斟酌損益務令平允就中海康一縣同屬既少地方尤為瘠苦應較原數酌增擬議數目詳候本部堂會同撫部院核定並將以上九棚外屬各州縣向章應解公捐考費體察情形各就力所能及酌定一數開單詳明分飭各該府州縣照數解足不得因省局籌有津貼遞減取巧以期經久經此次籌發巨款以後如有虧挪情事務即嚴查詳參

批委員陳瀛藻等稟請發轟開險灘炸藥等件暨張文襄公全集卷一百十五公牘三十一

所需工費 光緒十三年九月二十六日

昨經札飭該員等赴西省轟開險灘已飭軍械局撥發炸藥三百磅並飭善後局發給薪水等項矣茲據稟未開之灘尙多請發黃炸藥一千磅英煤十頓及雙單頭電綫印度膠印度帶白金絲等件均屬可行至所需經費春間所開十四灘用過銀一千五百兩現查應開尙有二十九處均係水深石硬工程較難所請經費三千兩亦即照准該員等務須樽節支用俟工竣連前次所領銀兩一併據實造冊報銷毋得稍涉冒濫其電綫等件購運甚難慎毋稍有損失此外擬購船隻添雇機器

匠泗水人夫添購入水衣袴零星等項津貼工匠衣服銀兩均由善後局核酌量擬給具報至沿途各縣營所派兵役照料護送彈壓巡船准卽札飭照派本部堂不惜重費惟期一勞永逸利及商民此次務須一律開竣方准銷差勿得曠日糜費仍留一篑之虧也

批雷瓊道府稟請發經費籌辦疏濬水道各節光緒十三年十月十二日

瓊州善後應辦之事甚多顧事理有緩急籌辦有次第若如所稟疏水道通溝漚增開壩造船設筏各節及他稟建營碕設屯田興義學創官市等事遽請一概撥給張文襄公全集卷一百十五公牘三十一

經費並舊兼營五稟共請發銀十六萬兩未免駭人聽聞微特粵省無此財力該道府等亦無此力量包舉靡遺目前亦無如許人才足供器使若不量力而為必致顧此失彼旋作旋輟有糜費而無實際矣所有五稟應辦事宜已飭局統發經費銀二萬兩解交該道切實辦理樽節動用核實支銷

批雷瓊道府稟請酌發經費修補井字路光緒十三年十月十日

增修各路工乃防營勇丁應辦之事量雇土黎幫同作工所費有限總於撫黎經費內開支當此冬令瘴消正

宜派員督率深入分段認真修鑿培補餘事已於該道府請疏濬水道稟內詳細批示矣

批雷瓊道府稟請撥經費建築營礮光緒十三年十月十二日建築營壘皆防營所宜有事豈能另給經費瓊地營房不過用竹木椰葉之屬足資棲止山中取材甚便不費一錢黎人甚弱礮卡但取其可以駐軍防守不比金川礮樓必須雄峻深固狀如高臺堅城也所需陶瓦該道府擬於黎境擇地開窖備造甄瓦應用事屬可行但所費無多應卽統在撫黎經費內開支

批雷瓊道府稟請撥經費設屯田義學光緒十三年十月十日張文襄公全集卷一百十五公牘三十三

屯田爲備邊之良規非撫黎之切務繁重而無實用至籌建義學鄉塾前准馮督辦電稱各屬查辦客黎疾產甚多擬請以半變價以半招耕爲修造義學及常年經費等語該道府等應卽督同各屬遵照清釐舉辦此等事全賴地方官率作興事若悉仗公帑經營豈有濟耶黎地義學不過先令其學習漢語漢文認識村書雜字官講聖諭廣訓如是而止不必求深

批雷瓊道府稟請發經費創設官市光緒十三年十月十二日撫黎自以開通利源爲先務然如采木設市等事官爲

倡始祇可建造屋寮招徠商賈防護劫奪平定價值減免釐稅聽其自然趨赴久之自能成聚成都吾聞因民

之利而利不聞奪民之利以爲利也據稟創設官市建立廩舍收買貨物轉售而又取約券權子母是直奪商利而斂之官甚非政體且利之所在經理一不得人賠折則累及官帑獲利則徒飽私囊必然之勢古來官辦商務除劉晏一人外有利無弊者更無所聞其難可知查荔枝園地方據周令林伍令蓉等電稟已建屋開市民黎受塵列肆者甚爲踴躍他處卽可仿照辦理惟所稟目前冰片登場此乃黎貨大宗姑先由該道派員采

張文襄公全集卷一百十五公牘三十四

辦行銷藉以考核黎貨盈虛商利多少准借撥銀三千兩交該道試辦選派委員經理看其有無成效據實稟聞此項卽在撫黎經費內借撥支用至設墟造房所費不能甚多應統在撫黎經費內開支核實動用具報

批前山同知蕭丙笙稟籌議整頓前山暨蟹民陸居各情形光緒十三年十月十五日

該署丞所需水陸勇丁暨添設拖船四號各項薪糧經費已於另稟批行遵照由善後局支領並撥利涉健銳輪船兩隻均聽該署丞調遣矣茲請撥前泊黃埔快扒二艘候飭釐務局發給應用俟船隻到齊卽飭派勇丁

分築水陸阨要巡防寨城日久坍塌易土以輒尙爲合宜應逐漸設法籌修所有魚欄捐款是否可行應卽妥爲辦理務令商民樂從勿使畏阻關閘汛原有把總望厦汛原有外委久經展轉遷移應候察看情形逐漸移回無庸驟舉以免疑論廣東蛋戶舊俗雖不陸居若海島官荒令其置屋自屬無礙該署丞卽可隨時招徠應俟文物漸興再行請給學額現在尙無居人不必先行入告其餘應辦事宜陸續妥籌辦理具報查核

批逆司詳鐵斤鐵器出口擬合仍納地稅光緒十四年二月二日

張文襄公全集 卷二百十五 公牘三十一

五

上年奏開海禁原爲暢土貨以惠工商敵侵銷以收利權據該前司會同釐務局司道議將起驗兩釐改爲地稅一次併徵茲據詳內地行銷仍照章免其加抽地稅如係告運出洋再納地稅於旗票注明等語是無旗票者未能隨意營運商販仍多不便蓋出洋之貨轉相販運者多逕行告運者少一經限制難冀暢行殊非奏開海禁之本意查旗票一事乃從前例禁嚴時限界銷售而設今既開禁則鐵器亦與尋常貨物無異尙何庸問其所往所有從前之旗票告運等項自應一併停止以免牽掣至於開設鑪座分別大鑪土鑪應交鑪餉與販

運鐵器完納稅釐係屬兩事現當開禁伊始正宜多方利導俾令暢行所有鐵斤鐵器稅釐均毋庸改爲地稅並將軍監牙加斤弔等稅暫行寬免其有向來派累鑪商之處亦卽一併裁禁統俟出洋暢旺再將應納稅釐從輕酌定抽收以期因時制宜變通盡善業經另行具奏仰卽遵照辦理

批廣福堂呈創立會款光緒十四年三月初一日

聞姓一項因爲杜塞漏卮始准開辦此外別項賭博非可設法效尤也該職員所呈各節專爲誘賭希圖抽頭與開設花會白鴿標等類何異豈有此等政體任意妄張文襄公全集 卷二百十五 公牘三十一

六

瀆殊屬謬妄應嚴飭

批藩司詳請月課候補人員並呈考課章程光緒十四年三月

據稟擬月課同通州縣佐貳雜職於保甲團防經費項下按月撥銀獎賞藉以識拔人才用意甚美並據續呈考課章程兩院及兩司按月輪考應卽照辦其餘各條均屬周妥至考課之地應俟臨時察看人數多少隨時酌定不必拘定一所其需款卽在新籌保甲團防經費項下餘款動支惟文藝吏才究屬兩事未必兼長至委派優差自應按其才具勞績酌量器使若屢考前列者

自必屢得優獎已足鼓勵體恤未便即予優差以示限制庶幾政事文學兩無偏廢餘俱如所擬章程辦理

批潮州鎮鄧安邦等稟堵塞福隆等圍決口酌議  
奏捐章程 光緒十四年四月初六日

東莞地方素稱繁盛福隆等圍向係官督民修接鄰派工立有刊石章程原不必官爲籌款惟此次春水斗發爲數十年所僅見誠恐派工需時夏漲踵至潰決愈寬據稟福隆司馬兩圍約需經費萬餘金茲特飭東善後局籌撥銀三千兩俾資倡率此乃因該圍今年被水過重傷損甚多格外體恤他圍不得援以爲例仰該鎮即張文襄公全集卷二百十五公牘三十一

七

便赴局承領並勒令紳董業戶踴躍捐足上緊興修至所發之款何圍應給若干即由該鎮體察民力分別破水輕重情形酌量分給務令實惠同霑並即先將決口設法堵塞一面商同局紳趕緊辦料興工嗣後歲修章程應如何分段保守各專責成該鎮即會同東莞王令妥行籌議稟候察奪

批儋州客籍紳耆呈控酷吏虐民逃丁滋事請飭  
密查 光緒十四年四月十五日

儋臨客匪屢屢叛爲患已久光緒十一年冬十二年春匪首黃柳保等句結新老各客數千人攻破澄邁之

金江司等處擾害數百里焚掠百餘村戕害良民七八百人擄去婦女百餘口所到財物搶劫一空府城震擾拒敵官兵民恨客匪痛入骨髓疊據馮督辦及方道封送土民呈詞數十紙情詞迫切慘不忍聞本部堂悉悉情形奏派大員統兵前往辦理本部堂深恐大兵一到臨村圍捕誅戮必多是以勒兵不動但令土紳將悍匪自行繳送前後通計稟報懲辦者不過百人且照准方道所稟令土客各清各匪嗣後客勢雖戢餘匪尙多民憤未平呈控不已本部堂上體皇仁特籌安插之方曲示保全之意疊經飭諭雷瓊道遵辦該道以番嘔地方有田可墾將土紳指控單開有名客匪貸其一死責令入山墾田免其應死之罪予以謀生之資既可開荒謀食兼免逼處尋仇凡此種種法外施仁所以爲客民計者至矣人數既眾該委員自不能不以兵法部勒以變化其桀驁課其勤惰如果委員所設章程實有窒礙難行之處該客眾憚於力作之勞儘可就近呈明該督道府量予變通何至擅焚棚寮私行逃逸皆由積匪葉有等包藏禍心造言煽惑希圖激眾生事情殊可惡該紳等不知感恩悔禍約束客眾一味畏難苟安所呈各情不免張大其詞冀圖聳聽惟既稱客民有不便之處虛

六

實均應立予查辦斷不强以所難除業經電飭雷瓊道立將所有不便章程即日停止更正並將該委員撤差離瓊會同撫部院另委方道前往查明確實情形稟覆分別良莠妥爲辦理外仰東按察司會同布政司迅速移行瓊州道府妥爲撫輯飭諭該紳耆等安分守法約束客眾勿惑浮言聽候方道查明妥辦至造言生事怙惡不悛之匪徒應由方道會同朱道查明勒拏務獲懲辦罪在眞匪不得株累平民

批雷瓊道稟查辦臨邑客匪編屯開墾情形光緒十四年四月十六日

張文襄公全集

卷一百十五 公牘三

九

開墾之與屯田截然兩事瓊屬但須招墾毋庸置屯前經屢次電飭並於該道具報設屯田義學稟內詳晰批示不啻再三誥誡舌敝唇焦茲來稟轉據徐革倅所陳辦法仍係編丁設屯所擬章程繁碎難行當此開墾伊始正宜輕繇薄賦以廣招徠該革倅乃以積匪充屯限以五年始獲役滿墾熟之田仍須還官五年之中納租自五成以至二成賦役之重無過於此每丁僅墾十畝勤者勉足自食而謂准其妻子依屯以居將令何所仰給耶至於四時編冊出入有假似此苛細豈能見諸施行試問責令開荒而不令其永爲世業且又重租倍於

什一拘束同於編管誰肯爲之至稱繳匪一名隨繳食米二石未知此米出自何人若該匪則無米可繳若令交匪之紳耆代繳則是累及無辜尤爲紕繆無理本部堂於瓊事惟圖匪戢民安屢費巨款豈惜此千餘石之米耶該匪等皆積慣兇橫野性未除平時尙宜設法破散其黨而乃聚數百頑獍之徒施一切難堪之政逞兇橫決自在意中此等重要創辦事體章程該革倅不候批准偏執已見率行開辦實屬可怪所稟毋庸議

批河源縣稟請於小江地方移駐汛防彈壓光緒十四年五月初八日

張文襄公全集

卷一百十五 公牘三

十

該縣小江適中地方添設文武員弁因司汛並建衙署汛防經費不敷中止該前升府李守議撥銀兩亦未具領該縣現請以副城守移駐小江順天墟歸龍汛移駐小江船塘墟各就附近村墟分隸管轄原設額兵一份隨行兵餉均各歸本營支領應造汛署營房即由前項府庫充撥銀兩修造等由係爲綏靖地方起見候札東藩司會同臬司核議詳辦並咨署陸路提督查照至稟內以城市求其無訟而不能匪鄉求其好訟而不得立論奇創而甚有理誠以官不足取信於民故匪鄉鬪而不訟耳但須實有父母斯民之心誠懇足以孚之操守

足以信之聽斷足以平之執法嚴明足以懾服之則斷既止而訟亦息矣該縣有志求治其強勉而力行之

批澄邁紳士陳彝謙等稟陳瓊民疾苦光緒十四年六月初

徐革倅於開屯事體辦理未協不與土客曲直相涉已經撤差應勿庸議至瓊屬民受害已非一日前兩年澄邁金江一帶數百里殺掠慘毒神人共憤本部堂久已深悉曾經詳晰奏聞捕斬兇渠悍黨不少目前已飭瓊州道府將善後事宜妥為斟酌認真籌辦本部堂為民興利除害一秉至公至平之道毫無偏倚瓊民疾苦

張文襄公全集卷一百十五公牘三

批嘉應州稟查明官山煤隆請招商承辦光緒十四年七月十日

煤者窮民生計等諸柴炭柴炭不招商承辦何獨於煤必令招商耶上年鑛政局議詳章程第一條內將煤與五金並列不過縷舉應行開辦之地利並未言必應歸官招商辦理若令繳費給照則煤利甚微豈有與五金

同繳照費一千元之理至章程第五條所稱煤鐵為軍火大宗應先開采以收利權等語本欲令民多行開采免向外洋購買收外洋之利以歸於華非謂收民之利以歸於官該署牧不善體會謂須由官開辦實屬大謬又章程第七條內稱煤一百斤抽銀一分不過議及抽收亦非令報承繳費也若如來稟所擬勒令報承即是民業亦應繳契給價聽官招商承辦等情必致藉端擾累釀成事端無怪乎紳民之難遵也該署牧不知政體粗謬已極應即嚴加申飭至百斤抽銀一分亦屬過重此項煤斤應如何酌量抽收仰善後局會同鑛政局核

張文襄公全集卷一百十五公牘三

明飭遵具報至前次該局所詳章程如有擬議未協聲敘未清之處併即再加核酌妥協籌議迅速詳請更正以免牽混

批理事同知賈璋等稟民人被旗人砍傷錄報民人供詞光緒十四年七月二十六日

查辦案贖兇犯既經到案即應將兩造供詞備細錄寫以憑查核情節指示研審從無止錄一造單詞之理若止錄一造單詞試問孰虛孰實從何考核茲該廳等稟報此案情形止錄受傷民人焦弼父子及地保供詞於兇犯供詞不錄一字一似崇俊籍隸旗營本部堂可